



Kamis, 24 September 2020

Ogen: 1 Korinti 13:4-6



La Erkira Kerna Kesalahen



Isenge si pernah erban kesalahan man banta? La banci lang kalak si ndeher nge ras kita, banci perbulangen, anak-anakta entah teman kompakta. Banci ka kesaleh e iulih-ulih erbahanca mesui pusuhta. Egia, me tetap nge kita ngasup ngalemisa kesalahenna e ? Adi ngerana kita kerna keleng ate si serta emekap keleng ate Tuhanta Jesus Kristus. Manusia mulih-ulih erbahan kesalahan, erbanca Ia kecewa, tapi tetap denga ka nge kita ialemiNa. Tetap denga ka nge itimaiNa katawari kita jera dengen mulihkan kempak Ia.

I bas oratenta sendah ipetangkas man banta, kalak si erkeleng ate jelmana megenggeng, tetap mehuli, la percian, la meganjang ukur, la sombong, la mekarus, la ncariken untung man bana saja, la pergelut, la ngkira kesalahan kalak, la meriah ukurna adi kalak erbahan jahat, meriah ukurna i bas si benar. Tuhu, adi la kita mindo gegeh ras kengasupen guna ngusih Jesus e labo kita ngasup ndalankenca. I bas kita erkeleng ate, dengen la ngkira kesalahan kalak, kita arus tetap natap kempak Dibatanta si tetap erkeleng ate dengen la engkira kesalahenta manusia.

Emaka i bas paksa enda, ipindoken man banta selaku anak-anak Tuhan sipindo gegeh man Tuhan gelah tuhu-tuhu kita ngasup ngalemi kesalahan kalak si lit man banta. I bas pertotonta sekali enda sibelasken jelmana ise saja si enggo erbanca kita rate mesui dengen ngalemisa. Megenggeng kita gelah lit kedamen i bas ukurta bage pe i bas kegeluhenta ras temanta. Tuhan Dibata si mpengasup kita guna ndalankenca.

+hi 5